

ACTA DA REUNIÓN EXTRAORDINARIA DA COMISIÓN INFORMATIVA DE TRANSPARENCIA, RÉXIME INTERNO E FACENDA DO DÍA 15 DE OUTUBRO DE 2024.

PRESIDENTE:

D. JESÚS VÁZQUEZ ALMUIÑA.

VOGAIS:

DONA MARÍA ISABEL COUSELO TORRES.
DONA LUISA MARÍA SÁNCHEZ MÉNDEZ
D. RAFAEL DOMÍNGUEZ ARTIME.
D. JORGE CUBELA LÓPEZ.
D. JAVIER TOURÍS ROMERO (*En substitución de DONA BELÉN CACHAFEIRO ANTA*).
DONA MARÍA PILAR RAMALLO VÁZQUEZ.
D. MANUEL ALEJANDRO LORENZO ALONSO.
DONA MARÍA NAVA CASTRO DOMÍNGUEZ.
DONA ANA LAURA IGLESIAS GÓNZÁLEZ.
D. GORKA GÓMEZ DÍAZ (*En substitución de D. CARLOS GÓMEZ PRADO*).
DONA DIGNA ROSA RIVAS GÓMEZ.
D. PACO FERREIRA GONZÁLEZ.
D. GREGORIO LUIS AGÍS GÓMEZ.
D. JAVIER IGLESIAS MOUGÁN.
D. XOSÉ CESÁREO MOSQUERA LORENZO.
DONA MARÍA MANUELA RODRÍGUEZ PUMAR.

En Pontevedra, na sala de xuntas do Pazo Provincial, sendo as dez horas do día 15 de outubro de 2024 asisten, baixo a Presidencia de D. Jesús Vázquez Almuiña Presidente da Comisión Informativa de Transparencia, Réxime Interno e Facenda, as deputadas e deputados que ó marxe se sinalan, membros de dita Comisión, de acordo coa correspondente Orde do Día.

Non asisten a Deputada, Dona Belén Cachafeiro Anta, nin o Deputado, Don Carlos Gómez Prado, sendo substituídos polos Deputados Don Javier Tourís Romero e Don Gorka Gómez Díaz, respectivamente.

Asisten o Sr. Interventor, D. Antonio Graña Gómez e tamén o

Sr. Secretario, D. Carlos Cuadrado Romay.

Actúa como Secretario, por delegación do Sr. Secretario Xeral, Don José Antonio Gulías Varela, Técnico de Xestión do Servizo de Contratación, Facenda e Patrimonio.

Aberta a sesión, adoptáronse os seguintes acordos:

1. Aprobación inicial do expediente de modificación de créditos número 4/2024. (Exptes.- 2024067370-2024066943)

O Presidente da Comisión explica os detalles máis significativos do expediente de modificación de créditos número 4/2024 e a continuación somete a debate a proposta de acordo sobre a aprobación inicial deste expediente asinada con data 9 de outubro de 2024 polo Xefe do Servizo de Orzamentos, Plans e Organismos e polo Deputado Delegado de Xestión Tributaria, Patrimonio, Formación e Emerxencias, cuxo contido é o seguinte:



“O Deputado delegado de Xestión Tributaria, Patrimonio e Formación e Emerxencias, en virtude das delegacións acordadas na Resolución Presidencial nº 2023006130, de data 02 de agosto de 2023, modificada por outra de 06 de maio de 2024 (RP2024003709) propón ó Pleno a aprobación do expediente de modificación de crédito número 04/2024. Este expediente inclúe créditos extraordinarios (EXT.04/24) por importe de 35.000.000,00 euros, suplementos de créditos (SUP.04/24) por importe de 8.000.000,00 euros.

Resultando que a tramitación deste expediente está motivado pola necesidade de realizar gastos que non poden demorarse ata o exercicio seguinte por non existir consignación suficiente no estado de gastos do orzamento corrente, financiándose:

- Crédito extraordinario (EXT. 04/24), fináncianse cos maiores ingresos correspondentes a da liquidación definitiva de 2022 da Participación nos Ingresos do Estado (P.I.E.): 28.762.764,87 euros e con parte das maiores entregas a conta da P.I.E. 2024 sobre as previstas no orzamento inicial de 2024 pola cantidade de 6.237.235,13 euros.*
- Os suplementos de créditos (SUP. 04/24), fináncianse cos maiores ingresos correspondentes a da liquidación definitiva de 2022 da Participación nos Tributos do Estado (P.T.E.), con parte das maiores entregas a conta da P.I.E. 2024, sobre as previstas no orzamento inicial de 2024 e con parte do importe correspondente a Liquidación negativa de 2020 que foi compensada polo Estado (AGE), tal como se sinala no detalle do expediente.*

Resultando que a Intervención emite informe de data 9 de outubro de 2024, no que indica que o expediente cumpre cos requisitos previstos na normativa de aplicación, tanto en relación cos gastos que se pretenden financiar como cos recursos que os financian e que a súa tramitación respecta o equilibrio orzamentario.

Considerando o disposto nos artigos 177, 179 e 180 do Real Decreto Legislativo 2/2004, de 5 de marzo, polo que se aproba o Texto refundido da Lei reguladora das Facendas Locais; nos artigos 34 a 38 e 40 a 42 do Real Decreto 500/1990, de 20 de abril, nos artigos 2,3,11,27 e demais concordantes da Lei Orgánica 2/2012, de 27 de abril de Estabilidade Orzamentaria e Sustentabilidade Financeira e nas bases de execución do orzamento, en canto a competencia e tramitación a seguir para a aprobación do expediente de modificación de crédito número 04/2024.

O Pleno, de conformidade co ditame favorable da Comisión de Transparencia, Réxime Interno e Facenda, acorda:



Primeiro: Aprobar o expediente de modificación de crédito número 04/2024 da Deputación de Pontevedra. Este expediente inclúe créditos extraordinarios (EXT.04/24) por importe de 35.000.000,00 euros e suplementos de créditos (SUP.04/24) por importe de 8.000.000,00 euros. O detalle do expediente e o seu financiamento é o seguinte:

1. Créditos Extraordinarios “EXT. 04/24”:

<i>APLICACIÓN</i>	<i>DENOMINACIÓN</i>	<i>IMPORTE</i>
942-9420-762,84	A CONCELLOS, PLAN PROVINCIA EXTRAORDINARIA – PLAN EXTRA_COOPERACIÓN.	35.000.000,00 €
	<i>Total créditos extraordinarios...</i>	35.000.000,00 €

Financiamento do expediente de Créditos Extraordinarios 04/24:

O expediente financíase cos maiores ingresos correspondentes a da liquidación definitiva de 2022 da Participación nos Ingresos do Estado (P.I.E.) e con parte das maiores entregas a conta da P.I.E. 2024, sobre as previstas no orzamento inicial de 2024.

Contabilizándose as seguintes operacións:

<i>CONCEPTO DE INGRESO</i>	<i>DENOMINACIÓN</i>	<i>IMPORTE</i>
934-420,10	F.C.F. INCREMENTO ENTREGAS A CONTA P.I.E. 2024	6.237.235,13 €
934-420,11	F.C.F. LIQUIDACIÓN P.I.E. 2022 (maiores ingresos)	28.762.764,87 €
	<i>Total ingresos...</i>	35.000.000,00 €

2. Suplementos de Crédito “SUP. 04/24”:

<i>APLICACIÓN</i>	<i>DENOMINACIÓN</i>	<i>IMPORTE</i>
942-3420-762,95	A CONCELLOS, PLAN DE INFRAESTRUTURAS DEPORTIVAS _ COOPERACIÓN	8.000.000,00 €
	<i>Total Suplementos de Créditos...</i>	8.000.000,00 €

Financiamento do expediente de Suplementos de Créditos 04/24:



O expediente financíase cos maiores ingresos correspondentes a da liquidación definitiva de 2022 da Participación nos Tributos do Estado (P.T.E.), con parte das maiores entregas a conta da P.I.E. 2024, sobre as previstas no orzamento inicial de 2024 e con parte do importe correspondente a Liquidación negativa de 2020 que foi compensada polo Estado (AGE), tal como se sinala.

Contabilizándose as seguintes operacións:

CONCEPTO DE INGRESO	DENOMINACIÓN	IMPORTE
934-100,00	Cesión IRPF (MAIORES ENTREGAS A CONTA 2024)	742.694,45 €
934-100,00	Cesión IRPF (Liquidación 2022)	1.794.856,48 €
934-210,00	Cesión IVA (Liquidación 2022)	2.115.822,85 €
934-420,10	F.C.F. INCREMENTO ENTREGAS A CONTA P.I.E. 2024	1.204.222,44 €
934-420,90	TRANSFERENCIAS AGE, COMPENSACIÓN LIQUIDACIÓN NEGATIVA 2020, (Majores ingresos sobre orzamento inicial)	2.142.403,78 €
	Total ingresos...	8.000.000,00 €

Resumo do expediente:

TOTAL CRÉDITOS EXTRAORDINARIOS...	35.000.000,00 €
TOTAL SUPLEMENTOS...	8.000.000,00 €
SUMA...	43.000.000,00 €

O Resumo das modificacións por capítulos son as seguintes:

ORZAMENTO DE INGRESOS

Capítulo 1º Impostos directo.	2.537.550,93 €
Capítulo 2º Impostos indirectos.	2.115.822,85 €
Capítulo 3º Taxas e outros ingresos.	0,00 €
Capítulo 4º Transferencias correntes.	38.346.626,22 €
Capítulo 5º Ingresos patrimoniais.	0,00 €



Capítulo 6º Alleamento de investimentos reais.	0,00 €
Capítulo 7º Transferencias de capital.	0,00 €
INGRESOS NON FINANCEIROS...	43.000.000,00 €
Capítulo 8º Activos financeiros.	0,00 €
Capítulo 9º Pasivos financeiros.	0,00 €
INGRESOS FINANCEIROS...	0,00 €
TOTAL VARIACIÓNS POR CAPÍTULOS...	43.000.000,00 €

ORZAMENTO DE GASTOS.

Capítulo 1º Gastos de persoal.	0,00 €
Capítulo 2º Gastos en bens correntes e servizos.	0,00 €
Capítulo 3º Gastos financeiros.	0,00 €
Capítulo 4º Transferencias correntes.	0,00 €
Capítulo 6º Investimentos reais.	0,00 €
Capítulo 7º Transferencias de capital.	43.000.000,00 €
GATOS NON FINANCEIROS...	43.000.000,00 €
Capítulo 8º Activos financeiros.	0,00 €
Capítulo 9º Pasivos financeiros.	0,00 €
GASTOS FINANCEIROS...	0,00 €
TOTAL VARIACIÓNS POR CAPÍTULOS...	43.000.000,00 €

Segundo: Este expediente de modificación de créditos número 04/2024 que inclúe créditos extraordinarios (EXT.04/24) por importe de 35.000.000,00 euros e suplementos de créditos (SUP.04/24) por importe de 8.000.000,00 euros, exporase ao público para os efectos de reclamacións, por un período de quince días hábiles, contados dende o día seguinte ao da publicación do anuncio no Boletín Oficial da Provincia de Pontevedra (BOPPO).

As reclamacións, reparos ou observacións que se presenten serán estudados, no seu caso, polos servizos técnicos da Deputación de Pontevedra e posteriormente pola Comisión informativa de Transparencia, Réxime Interno e Facenda, que formulará ao Pleno a proposta de aprobación definitiva deste expediente.



Este acordo de aprobación inicial do expediente de modificación de créditos número 04/2024, entenderase definitivamente aprobado no caso de que no prazo de exposición pública non se formularsen reclamacións contra o mesmo.”

Unha vez debatido o asunto e segundo o establecido nos artigos 32 da Lei 7/1985, de 2 de abril, reguladora das bases do réxime local, 52 do Regulamento orgánico da Deputación de Pontevedra e 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, sométese a votación a proposta de acordo sobre a aprobación inicial do expediente de modificación de créditos número 4/2024, asinada con data 9 de outubro de 2024 polo Xefe do Servizo de Orzamentos, Plans e Organismos e polo Deputado Delegado de Xestión Tributaria, Patrimonio e Formación e Emerxencias.

O resultado da votación foi o seguinte:

- 1. Votos a favor: (9)**, do grupo provincial do Partido Popular.
- 2. Votos en contra: (0)**, ningún.
- 3. Abstencións: (8)**, sendo (6) do grupo provincial do PSdeG-PSOE, e dúas (2) do grupo provincial do BNG.

A Comisión Informativa de Transparencia, Réxime Interno e Facenda ditamina favorablemente a proposta de acordo sobre a aprobación inicial do expediente de modificación de créditos número 4/2024, cos votos a favor das Deputadas e Deputados do grupo provincial do Partido Popular e coa abstención das Deputadas e Deputados dos grupos provinciais do PSdeG-PSOE e do BNG.

E non habendo máis asuntos que tratar, pola Presidencia dáse por finalizado o acto, sendo as dez horas e cinco minutos do día arriba sinalado, do que, como Secretario, dou fe.

O Secretario da Comisión
Asdo.: José Antonio Gulías Varela
(Documento asinado electrónicamente ó marxe)

